

DEO OPTIMO MAX.

UNI ET TRINO,

VIRGINI DEI - PARÆ, ET S. LUCÆ

Orthodoxorum Medicorum Patrono.

QUÆSTIO MEDICO - CHIRURGICA,

QUOD LIBETARIIS DISPUTATIONIBUS

*manè discutienda, in Scholis Medicorum, die Martis vigesimâ-octavâ
mensis Februarii, Anno Domini M. DCC. LVIII.*

M. ANNA - CAROLO LORRY,

Doctore Medico, Præsîde.

*An parturienti accidente hæmorrhagiâ uterinâ, partus diversâ, pro diverso casu,
encheiresi promovendus?*

I.



ERACTA conceptione, uterus accuratè clauditur, ovulum amplectitur undique, sensim crescit, & turgentibus propriis valis quaquaversum extenditur, tenello embryoni hospitium, alimentum, accretionem suppeditans, donec ille grandior factus ac propriam vitam vivere jam idoneus, præfinito à naturâ temporis articulo, in lucem prodeat. Verùm quot & quantis, antequàm portum attingat, jactari potest procellis! Inter quas ut non frequentior, ita nec periculosior ferè tum infanti tum parenti quàm sanguinis ex utero profluvium. Quod quidem, cùm quolibet gestationis tempore possit incidere, cave ne cum fluxu menstruo, cui primis graviditatis mensibus obnoxia sunt nonnullæ mulieres, errore confundas vix excusabili. His enim tempore solito, nullâ prægressâ occasione, pariori copiâ, lentè ac sine doloris sensu, ex vaginæ & cervicis uterinæ valis, non ex uteri fundo, sanguis fluit haud concretus; dum autem fit hæmorrhagia uterina, tunc dolor percipitur, præcessit causa occasionalis, ruit sanguis derepente & copiosius, congelati cruoris grumi identidem excernuntur, aperitur os uteri internum. Quæ profluvia à primo ad septimum gestationis mensem accidunt, ea ut plurimum abortionis vel causa vel effectus habenda sunt, & repetitâ venæ-sectione, quiete tum corporis tum animi, abstinentiâ à coitu, anodynis medicamentis curantur, simulque immatura foetus expulsio potest nonnunquam præcaveri. Quæ verò duobus postremis mensibus eveniunt, ea longè periculosiora ac tantò magis pertimescenda quò propior est termino mulier prægnans, suprâ laudatorum medicaminum efficaciam effugiunt, matremque unâ & infantulum letho darent, nisi partus variâ pro variis casibus encheiresi promoveretur.

I I.

CAUSAM proximam & conjunctam ferè omnium ex utero in gravidis profusum ac tantò magis pertimescenda quò propior est termino mulier prægnans, suprâ laudatorum medicaminum efficaciam effugiunt, matremque unâ & infantulum letho darent, nisi partus variâ pro variis casibus encheiresi promoveretur.

A



2

polita ac chorio tecta. Mundata verò & absterfa, denudòque pressa digitis, stigmata sanguinea ostendit, violentam & præmaturam avulsionem evidenti-
 sime demonstrantia. Quanta autem ex istâ placentâ solutione & matri & infan-
 ti immineant pericula, non ignorat qui uteri gravidî singularem structuram,
 mirandamque cum placentâ connexionem apprime edoctus est. Quæ etenim
 in utero vacuo vix conspicua fuerant vasa sanguinea, majorem ac majorem
 in prægnante adipiscuntur diametrum, ita ut ultimo graviditatis tempore di-
 gitum admittant: unde, cum eâ proportionem quâ ampliatur uterus affluen-
 tis liquidi augeatur copia, semper eadem remanet hujus visceris crassities. Illa
 autem vasa cum placentâ vasis miro artificio communicant, dum scilicet cola
 uterina placentæ porulis, & vicissim hujus radiculæ uterî cavernulis recipiun-
 tur. Quoties igitur quâcumque de causâ præproperius rumpitur hæc conne-
 xio, tunc adaperitis oculis vasis vasorum uterî, fluit indefinente motu sanguis, dis-
 solvitur necessariò fœtus cum matre commercium, adeoque perit infans non-
 dum natus, perit ipsa mater vitam fundens cum sanguine; idque eò celerius
 quò & latior placentæ pars solvitur & gravidior est uterus.

I I I.

PATET igitur ex antecessis (§. II.) tandiù erupturum sanguinem quan-
 diù remanebunt hiulca vasa sanguinea uterî, donec vires mulieris eferas,
 omninòque de eâ conclamatum monebunt crebræ lipothymix, aurium tinnit-
 us, oculorum caligines, ac nervorum distentiones. Neque hîc juvant imò
 nocent potiùs venæ-sectiones, alstringentia, aliave remedia in aliis hæmorr-
 rhagiis usurpata. Claudendi rivi. Una hæc est indicatio. Nunquam autem clau-
 dentur ita distenti canales, ni contractioni uterinæ locus detur. Hæc enim
 actio, quaquaversum nitens, sola exundantem fluxum, non modò ostiola qui-
 bus jugiter stillat obturando, sed & tuborum diametrum sensim imminuendo
 & ad pristinam capacitatem revocando, potis est compescere. At verò fœtus,
 dum in utero manebit inclusus, contractioni hujus visceris adeoque bonis ef-
 fectibus inde oriundis necessarium opponet obstaculum, siquidem vel minima
 placentæ portiuncula in utero quandoque relicta gravi hæmorrhagiæ sæpissimè
 ansam præbet. Salutis igitur spes unica in fœtus educatione. Nec expectandum
 donec exhaustæ sint omninò parturientis vires. Sed quam primùm vocatus, ad
 omnia animum intende sedulus. Si jam à satis longo temporis intervallo proflu-
 vium perstitit, si dolores incipiunt remittere, si aures tinniunt, si deficit animus,
 naturæ noli negotium relinquere. Periculum in morâ. Manus illicò in vaginam
 immittenda, os uterî digitis dilatandum, dein ruptis membranis pedes infan-
 tuli, ni caput obvium ac jam inferiùs protrusum sit, suo loco quærendi, &
 vi quâdam adhibita educto sic fœtu, secundæ protinùs prehendendæ ac leni-
 ter adducendæ cum sanguinis grumis intra cavitatem uterî concretis. Hæc me-
 thodo misella mater ferè animam agens ad vitam revocabitur, & infans
 saltem poterit sacris baptismi aquis ablui: deficiente autem artis auxilio
 uterque certæ morti debebit occumbere. Cujus quidem calamitatis innu-
 mera ferè exempla cuique Medico in praxi occurrunt & passim apud Auctores
 leguntur, præsertim inter prætiosas *Maurici* observationes, dum artis auxi-
 lium vel recusarunt feminæ malè pertinaces, vel denegarunt obstetrices im-
 peritæ Chirurgive timidi aut famæ nimium consulentes, vel tandem seriùs &
 exhaustis omninò parturientis viribus adhibuit obstetricans, quale habetur
 exemplum in fusesâ historiâ quam de propriâ sorore auctor laudatus non
 sine summo acerbissimî doloris sensu & vehementi stylo ipse exaravit (4).

(4) *Malat. dei
 Femmæ grossæ.
 Liv. I. c. 21.*

MAGNUM fuit sanè & humano generi perutile hanc fatiscenti naturæ succurrendi rationem invenisse. Sed non semper ex sententiâ procedit eventus. Quandoque, etiam si partus acceleretur, non nisi ad aliquot horas puerperæ vita protrahitur, & is est medentis dolor, non nisi ad aliquot horas præcipiti auxilio, hæmorrhagiam persistentem, miseramque matrem non diù proli superstitem videat. Solebat *Mauricius* id calamitatis exhaustis puerperarum viribus tribuere. At propius rem attigit recentior quidam inter obstetricantes viros peritissimus (a), dum unicam in hoc casu accusavit uteri inertiam, qui re verâ intrâ partum coactum & quasi violentum in statu merè passivo versatus, neque assuesfactus contrahi per conatus successivè repetitos ut sit in partu naturali, otiosus etiam post partum & quasi atonus remanens, per distenta adhuc dum & hiantia vasa sanguinem reliquum emittit. Præstat igitur, quòd illud infortunium avertatur, medium quendam cursum inter partum violentum & partum naturalem tenere, excitando nimirum in utero veras contractiones quarum ope foetus exclusionem ipse molietur ac juvante Medico perficiat. Inceptæ sic per irritationem ante partum factam contractiones, pergent adhuc partu absoluto, magis ac magis astringentur vasorum sanguinem tundentium oscula, & sanguis sistetur. Itaque ubi primùm agnoscitur sanguinem ex uteri fundo profluere, atque femina dolores ad partum sentit, tunc partus manu hæc ratione promovendus. Explorandum os uteri, an incipiat jam dilatari, an rectè situs infans; tum leviter laceffendus ad dolores uteris immisso primùm uno digito intra illius os, quòd deinde binis digitis magis ac magis paulatim diductis ampliabitur, simulque vehementiores excitabuntur hujus visceris contractiones, donec satis producta intra vaginam velamenta discindi possint & humores effundi. Quæ quidem membranarum velamenta disrumpit aliàs noxia hæc multiplici nomine venit commendanda. 1°. Si illæ diutius integræ relinquerentur, majorem utique placenta cui adherent excitarent avulsionem, ut potè instantibus doloribus agitata & antrorsum pulsata, ac proinde sanguinis profluvium etiam adaugerent. 2°. Humores effusi partes lubricant, os uteri, vaginam, vulvam molliunt, & exituro foetui viam parant, 3°. Protinus clauduntur vasa ipsa uteri ope contractionum hujus visceris, statim atque humores, quibus distenta fuerant, per ruptas membranas effluerunt. Partus igitur sic manu promorus, modo naturali absolvetur, postea secundæ prudenter educendæ, ac sanguis congelatus accuratè, ut superius dictum, everrendus.

(a) *Puzos*
Mem. de l'Acad.
de Chir. tom. I.

VERUM datur & alius casus, licet rarior, in quo partum ita promovere & dolores sensim excitare foret periculosissimum, quando scilicet placenta ori interno uteri, ipso conceptionis tempore, adhæsit, ibique accrevit. Tor observatis probatur id phenomenon ut à nemine sanæ mentis in dubium revocari possit (a). Qui autem verum graviditatis & partus mechanis- mum ritè perspectum habent, quique apprime intelligunt fibras motrices in fundo uteri dispositas fibrarum cervicis uterinæ esse antagonistas, ut aiunt Anatomici, ii non difficili negotio agnoscunt, quantum expedit in supradictis circumstantiis (s. III. IV.) uterum ad contractionem laceffere, tantum in hoc casu futuram esse noxiam illam encheiresim, siquidem prout uteri fundus in contractionem nititur, os diducitur simul; & quâ proportionem perficitur illa diductio; eadem quoque, placenta magis ac magis soluta proindeque pluribus hiantibus vasis, ingravescit sanguinis profluvium nedum remir-

(a) Vid. Cf.
Bechmer, disquis.
de situ uteri, &c.
§. VII. *Haller*.
in *Bech.* Com-
ment. §. 676. n. 1.
& innumeros au-
tores ab utroque
excitados, & præ-
sertim. *Hist. de*
l'Acad. des Sc.
1733.

Optimè an-
at Cl. *Levrette*.
& post eum Cl.
Roderer (Elem.
art. obst. §. 678).
Vehementissi-
mum torrentem
eo tempore pro-
silire quo dolo-
ri vi istam diduc-
tionem efficit per
legem plane op-
positam legibus
cæretorum ca-
sum, & hoc est
signum evidens
causæ hujusce
postulavi.

(c) Inst. Chi-
rurg. Lipsi. 1745.
pag. 101.

(a) Vid. Boch.
art. loc. cit.

4
tat (b). Auctâ enim causâ augetur effectus. Quid ergo in hac rerum angus-
tiâ agendum? Illic arte & vi adhibita educi debet fœtus, eoque audaciùs
festinandum est, quòd fundi & laterum matricis post partum inertia non hic
timenda est, ut observavit optimè Cl. *Levrette*, peritissimus Chirurgus Pa-
risiensis, in exquisitè de hoc casu diatribe quam cum auditoribus suis commu-
nicat, siquidem vasa aperiuntur tantummodò in uteri cervice, quæ & accu-
ratiùs & celerius reliquis hujus visceris partibus absoluto partu sese contrahit.
Minimè verò auctor esse velim, ut media tunc perforetur placenta ad viam si-
bi in uterum parandam, quemadmodum laudatus Chirurgus atque etiam
Platnerus (c) suadent. Illa encheiresis difficilior mihi videtur, longior & pe-
riculosior præsertim infanti, cum ea sit placentæ crassities ut possit dilaceranti
satis quidem resistere, & præterea hâc violentâ dilaceratione non possint non
disrumpi plurima placentæ vasa non mediocria, quibus totus sanguis ex fœtus
corpuscule per arterias iliacas dejectus mox exhauriretur. Illi contrâ faciliùs,
simpliciùs, tutiùs procedere videntur, qui digitum in os uteri insertum cir-
cumducunt, exploraturi quonam loco placenta latius soluta sit ac sanguis ve-
hementius erumpat, dein pergendo hujus decorticationem ac quasi deglu-
bendo donec ad membranas ipsas pervenerint, has tum discerpunt, & fœtum,
conquisitis pedibus, per aperturam factam extrahunt. Hanc operandi metho-
dum Cl. *Petit*, hujusce Celeberrimæ Facultatis Doctor Medicus, cum in cæ-
teris tum præcipuè in arte obstetriciâ peritissimus, in privatis prælectionibus sem-
per commendavit, laudatam aliqui à Cl. *Friedio* (d) cujus nomen in eadem
arte jam dudum Argentorati inclaruit, & eandem sæpiùs, quantum ex obste-
tricantium observationibus ritè collatis conjicere licet, felix eventus com-
probavit. Hoc enim posito quod ipse contendit Cl. *Levrette* in dictâ diatri-
be, nimirum *Mauriceo* casum de quo hic agitur toties contigisse, quoties ille
exempla affert partuum in quibus placenta sese prætulit obvia; (quod quidem
ad verum propius accedere videtur, quoniam observavit *Mauriceus* in illis
omnibus casibus hæmorrhagiam incepisse jam à septimo aut octavo mense,
deindè rediisse largiorem, eoque magis ingravescentem, quò propius instarent
veri dolores) patet ex historiâ illorum partuum, non aliam encheiresim quàm
quæ à nobis proponitur ab ipso fuisse adhibitam, cujus ope tamen & matrem
& prolem ab interitu plerumque vindicavit.

Ergò parturienti accidente hæmorrhagiâ uterinâ, partus diversâ, pro diverso casu,
encheiresi promovendus.

DOMINI DOCTORES DISPUTATURI.

M. Amabilis Chomel, Con-
siliarius Medicus Regis or-
dinarius in Nôdocamio Que-
becensi.

M. Petrus - Abrahamus Pa-
jon de Mours, Eques.

M. Claudius Thomas Guillel-
mus, Guilbert de Préval.

M. Jacobus Goultex de la
Morie.

M. Paulus Le Roy.

M. Joann. Baptista Bassevil.
la.

M. Guillelmus - Josephus de
de l'Epine, Antiquus Facul-
tatis Decanus & Rei. Her-
barie Professor.

M. Ludovicus - Hieronymus
Cosnier.

M. Nicolaus Le Roy de Saint
Aignan.

Proponēbat Parisiis JACOBUS SAVARY, Æduensis, Doctor Medicus
Remensis, Saluberrimæ Facultatis Medicinæ Parisiensis Baccalaureus,
Thæseos Auctor, A. R. S. H. 1758, A SEXTA AD MERIDIEM.

Typis Viduæ QUILLAU, Universitatis & Facultatis Med. Typographi, 1758.